



Jumat, 03 Maret 2023
Ogen: Hosea 9:1-9



“Paksa Kecedan Enggo Reh”



Geluh bas doni enda erpaksa-paksa, lit paksa nuan, lit paksa rani, lit paksa erdahin, lit paksa pekesahkan, lit paksa meriah, lit paksa ate ceda. Kira-kira, kai nge si erbahansa maka megati turah ateta ceda?

Nabi Hosea nuri-nuri kerna kecibal bangsa Israel si enggo ndayaken dirina man baal, itundalkenna Dibata janha isembahna dibata-dibata sideban. istilah si ipake Hosea e me erlua-lua i bas erkiniteken. Dibata nge si enggo engkelengi ia, si enggo mulahi ia i bas musuh-musuhna nari. Dibata si cukup setia man bana, tapi Israel nadingken ia, lawes ia ras dibata-dibata sideban. Meriah akapna, tawa-tawa ia sabap lit tempa akapna nanamna ras dibata-dibata si isembahna e.

Kentisi meriah tapi dungna turah ate ceda, sabap labo ipediat Dibata ia ipermelaken bangsana jine. Nandangih reh me atena mesui. Gandum si tempa-tempa reh arah baal-baal nari e pagi la cukup guna keperlun geluhna, minak anggur pe la cukup. Ertina jadi me pagi kelehen si mesangat. Lanai pagi ia banci ringan i negerina jine, ibaba me ia pagi mulih ku Mesir. I je pernah ia iperbudak. Ia terpaksa man pantangen pangan i negeri Asyur. Keperlun guna nakan pangan, keamanen ras kinitekenna terancam. Ertambah-tambah pagi kecedan ate e erkiteken ipepulung bangsa Mesir pagi kalak Israel e, guna ikuburken i Mempis. Ertana ras rumahna pagi kerina itamburi alu dukut ras ramah duri.

Labo iahan-ahanken Dibata ngukum anak-anakna si la nggit jera. Enggo pe ipersingeti la robah, kiniseran jadi sikerajangenna seh matena.